

S e r a d a t u a t s c h i n a

Luciano Hernandez

Finalmein han era ils Tuatschins descargau. Ils muvels pastgan per las pastiras da casa e sils mises. Ils buoba ilsezs gaudan quels bials dis d'atun. Beingleiti vegn ins a metter tiaras a lur libertad. En paucs dis entscheiva la scola. Fai persean la canzun dil pign pastur tuatschia.

Cheu suonda: il pign pastur tuatschin: Brantschen/Durschei

La raccolta ei sco suttetg. Mo ual aunc in pèr stublas e zatgeinins risdivs- diraun. Las monas sescauldan sin chinschner el bien sulegl de suentermiezdi. Oz ei sonda. Sin la punt-nuegl amiez il vitg Sedrun spatlan duas vischinas igl glin. Vieiler caschina Gion Paul e sia gliעד dus panchers miass.

Barla: Vo la béin, la rèsta? Te das mordio. Ma tempras, tocca zèra pus te vai deisch jèdas muentau 'i sgrezi.

Giuanna: Ju spatla meis dasgusts giudain alla rèsta. Perquei tg'ins so schazagiè nossa lavur fussi enstamma meglier.....

Barla: Béetga usché, Giuanna. Ju smina... te as la zache-gionza a dies. Pudà tge las fiferlottas da fuffifanzas le nos dis prendan aun ugen in dé vonzei das letge tessi dalla mumma.

Giuanna: Cu ins vezza cu la giuventetgna traffica oz cu quai ded eir e da stiarsas dat i bunamain giu la bratscha. Ju a uonn staviu far blut nuas per rabitschè 'ls meis se Salinssut a trora quei tgaubriechel glin. I vutan né sburlà ne puzzà. Quei sei canclas da femnas e riandi in quex. La Madleina da Rueras vai priu uonn las monas biverdas dagl èr a tarmez ellas selsuc ain fabrica, senza né puzzà, né stemnà, né fullà..

Barla: Raschun as té bèn, té e la Madleina da Rueras, mu iu fetsch malgrad è sche mias buébas fon plums vi d'unviern, cu iu pren 'gl glin giun stiva per filà. Quei detti mu purlas e rumians ed ins stuppi sesturpagiè sch'enzatgi vegni ainda d'esch.

Giuanna: O tschels onns fuvi dal bi. Mintga casada vev'o siu toccun glin e trais jamnas mava 'l fallun talinc e talanc giù sper nies Drun. Oz s'ai strusch in fastitg dal fallun.

Barla: E gl'indrez custeivel da fa o eli? Lez è era malamein tarschinaus. Giavatschain, el vegl stu cun tutta forza al Rain. Jessesmaréia. Quai da glin stu tut murf ain Tujetsch.

Giuanna: Iè vair, l'è morta, la cultura dal glin. Sulet nus duas vain aun giu ora ina miasa curtauna semglin, nus bialas e persulas segl entir veschinadi da Sedrun. Ins seturpegia da cadisch, marinò e carpun e nossa gliut rufida bien eli-semglin.

Barla: Quels tilan strof.... quels futers dad ozeldé...

Iris: (Ina giuvna che passa ual sperasvi auda la tecca e buca maufra sissu)
Hoihoi, mira tscho cu las spailan nus outras, iu tegn tg'iu vegni aun ad uras ad'n tiamps.

Giuanna: Gie, mu no tscho fagliula, te cherlia ais è ina da quellas tschuettas dalla moda, né bétg?

Barla: (buca cret) Iris, tgéi num dallas Carpatas, nus secuntentavan cun Mèna, Rusalia e Tschina. Oz on quellas squétras nums strubagai e fasiierlis tg'ins maungla fa od liug las missialas....

Iris: Ju mezza a bétgasaviu eleger miu num scu te Barla franc è bétga tezza 'l tiu. Cu ion fatg quai lo matai tge nus duas vain giu da dí pauc.

Giuanna: Us... uss, fass plé bi e plé tschec tge té emprendessas da spatlà.

Iris: Bèn purtass no, è aun. Bétga tg'iu snarregi batlinis da glin.. ed ina biala cozza de meisa scurcusida da spir glin ei modernissim. Mu sevesti cun da quei lo, nana, ple ugen bétg. Al Rain cun schubas e gioclis e schlappa. Da quellas tattas da Fric vuta negin, gnanc quels tge tschercan dapi decennis e decennis.

Giuanna: Futida fagliula, té spetga té. Dad in schi maldulada datta Niessegner la torta.

Iris: Buna onda madretscha, iu a vieti ugen vus, essas gie adina stada ina schi buna e dau dètgs biemauns. Dantaun, bétga screditai mè scu ina tschahaia e squétra. Ju sai pelvair tge meis plaids tunan sec giudain ain voss'olma. Mu esser s'ei precis usché. Dètgas mattauns cun rauba e num son oz stà pacific sen baun-pegna a strihè la palegna dal giat, sch'ellas son bétga in stel sevolver e semenar, empau sefittà e bétga al davus perfin sutà. Las bagordas da mesalauna son fa las vutan e negin spida giun plaun per ellas.

Giuanna: Tahania dad ina buéba, iu a mia veta mai sutau e sun è maridada, ti sacherlotasein glaiti.

Iris: Bétga vaias nuidis, iu detsch precis sco iu tratga. Iu vezza sch'ìè zatgei in dé, in tschaiver né schigliuc zatgei plé curius, tgi ch'a so bétg esser ed in tec a sedà no, a sch'la valess deisch jèdas daplé tge in bubrél tge so mu ual tenai se da frestg, el bubrél è prefarius e tschella so tra la presa. Cuntas e cuntas da quellas ussa gnanc schi sgar-scheivel bétg vols giuvenis bunamein a frusta per ellas, mu matga las on in bien freid e capeschan da metter l'estga.

Barla: Ju vegn tut fraida. Avaun onns savev'els giuvens distinguer l'emprema e la secunda frina-carnun. Ma, malgrad tut, té Iris eis ina brava giuvna, sincera scu la crappa e vas husliamain ain ba-belgia. Sche quei fuss pia tia mentalitad e quella da nossa gliut giuvna, scha stuein nus tuttina serametter a prender scu ien co.

Iris: Epi, vus autras - iu marida in pur. Da quellas tg' maridan purs sai aun nuéta da stiarnar. Savais crai da mé, iu vess pelvair survegniu tut put, luvrès, calgès a maisters a forsa perfin in plé aut. Iu a giu marveglias da negin. Ju sun cantlia da prender ain paisch miu Tieni e stgavo. 'l Tieni è in flot, o biers e bials praus e nus vegnin finfatg atras. Aluscha gliez stu iu dí, grad seglì sianter 'ls calcogns segl'iu bétg. El o ussa ina macchina da siè, in dètg tractor per arà e train 'l fretg. Usché maungla ina femna è bétga semazzà da fa 'l pur. Gie, da quellas manglas tg' nossa mumma raquenta, da gliez pun oz gnanc ina solia femna fa plé. Lu la las fa paiver 'ls purs. Uigliez, in tec tec schazegié ina femna e prender rasguard.....

Barla: Giuanna, nus autras vain mu giu da coscher a fa el sufla adina. Viu oins bié jèdas las tgauras dagl uestg. Dius pertgiri da Diu, ina casada scu ins fuva, mahoiias lavur ain tgèsa, giun nuegl a sel furs e las pagliulas surain, capiu surain....

Iris: Da quels cuccaloris maltschechs survegnan oz negin e daian mu stà cun aua fraida e schi dula zanua, scadà se cun ina castogna teivia. Purs tg'lan bétga mu suflà se davaun e davus ed èn in tec honzelis cun las femnas, survegnan è aun oz da maridà.

Ferton che las spatlunzas han de far il peterpir empau cun las poppas glin de far in bi mais ed empau cun quella futida spusa dil Tieni, caschina Gion Paul il miass vieifer la punt-nuegl. Ils chischners, quellas perdetgas venerablas da tschels onns vegnan dil meins e van carteivel en gnanc ton ditg en taubrochels. - Jasters, glied de vacanzas, passan sperasvi ed uardan il traffichem dil pur tuatschin. Tgi pomai vess buca tschaffend ed in semegliont stangleri de lenn, ch'enqualin della bassa cuntempla per in indrez de sechentar puolpas u in glimari ed in bratsch per mesirar la neiv igl unviern.

Mena: Bab, mettin nu è o in auter onn taun graun?

Gion Paul: (ri) Buebeta, quei dad in auter onn scarplin nus plé tard. Fo quen, i vegn glaiti unviern e lez cuéza ditg a liun. Epi dat i péida... Mu di da mé, pertgéi damondas té quei tiu bab?

Mena: O, mu perquei, iu... saveis la lavur sen nos èrs dat debiè. La mumma è sels onns ed o uonn pusinau oradoral 'ls tratschs bletschs e fraids mudregian las giugadiras. Dal raminent, bab, rianda el graun tg'nus mettin o?

Gion Paul: Mena, egl arà mantegn nos praus. Arassen nus in tschuppel onns lidinuét, nus vessen spir muns-furmicla, lavazzas e trebla e fretg ina cagna.... Schi riandi, tgei damonda fasierlia. Riander... riander... buéba, è el pur stu viver dal paun. El astga dentau mai dumandà dalla rendita.

Mena: La frina da nies graun dain nus tuttina mo lis tschins e la giutta tg'la mumma la rumper fo negin not. Ju per inghèda, iu calass da metter o graun.

Gion Paul: Cala zagrindra, té eis ina mattatscha, ina frozla malmadira e perquei vi iu schargiè. Camina cun tias monas.

Toni: (giu dal chischner) té speili iu cu iu vegn giu, la ual. Sche té sedruvas. Da mé dulan las queissas autruisa.

Mena: Jesses quels umens èn sensibels, schi fura zanua sche tratgan i tg'ei seigien ventschi. Usché vas te zèra a letg enstagl per las stre-glias. Hihi.....

Toni: Bucca oi selmains sut el nas, quei giabéz.

Gion Paul: Toni, volva ain bein las spias encunter la latta, 'l suffei no dal Rizli è bétga maneivels. In buf vidai alla tgavalera epi s'ellas giun plaun. Las hazlas e las sgagias èn è nuéta maneivlas, cui entscheiva a vegnì plé trentel...

Toni: Ju vi volvar ain tarschulas tg'ei scatschi dad in a scadin.

Jester: Buna sera, bien um. Schei a mi, daco spedis vus vies graun sin quels longhinis sbargattai, endi?

Gion Paul: (siper sia Mena) Tila mordio per la tretscha a fastgina. Quels co paran da savai in bien taun da nossa cultura de graun. (siper ils jasters): Per sechentà. Ain Tujetsch madira 'l graun plaun a vess. 'l sulegl o péida, tut vo temprau e nuét alla bahutta. O, 'ls dis plain sulegl degl octo-ber ed ina buna stad sogn Martin fon miracias, taun sau da dí.

Jester: Aschia dat il graun ina stoda lavur. Quei vegn buca da sez.

Gion Paul: Bétga tgunsch. Lavurunas per pauc. I tucca da schà pegliè. Nus essan cuntiants usché ed endi-sai da giuvenensé da schà ora cungeblas. Ju a ina truppada uffauns a camia, mo enzatgei da rui vau adina giu da dà. Mai fom ain tgésa a gliez è bétga nuét. Nos vegls schevan adina: tgi ch'a lavura e spargna vegn atras ain Tujetsch. I è vair, nies tratsch è strebels e la naiv magari da miasastad giu pel dies, ina lavur ruha. Nos mauns èn tut in tenai cudèras, mo ina biala val vain nus perquei tuttina.

Jester: Eucco mo ina biala, ina bellezia val. Nus vegnin ual dal Crest ded alp, giu da Cungieri. Ina cuntrada che representa ina sceneria imposanta e pleina de variaziun. Ditg essan nus stai eri sils tschenghels sur Cungieri e mirau sco tons affons cun bucca aviarta la grondezia cumpleina de vossa patria murtanara. Ils sumfils grondius dellas guardias medellinas, il Muraun, il Caziraun ed il Caschleglia, il Pazzola cul Muotapigniel entochen las cornas dil Mut che uardan garmadias ellas preits-crap immensas de Curnera.

Gion Paul: Savai grau, Ju a da giuven girau debiè el mun, iu sun staus tocca giu a Minca. Mu ina val scu la nossa gliez vai iu mai anflau, schi lartg e bi e plain sulegl. Sagnur, vesais co vi l'ala dretga della val, quels uauts d'in vert profun a stgir e sesuralas bialas alps. O alps scu nus vain ain Tujetsch, dat i percass nuèta da pertut. Cul fagugn tilla la parmavera sul Naipps no propi datschiert, s'ai ain in dus train. La naiv so fa seis sbargiats pels fops enturn scu la vut 'l stu ceder. Veseis quinasé las tschemas dal Cripalt ed 'l Badus. Giudapais da quels gigants serasan nos vitgs e nos uclauns per cullinas plain sulegl.

Jester: Daveras in liug sco fatgs per far vacanzas, navenda si Eschamut entochen o Bugnei. Vess mai cartiu d'anflar in eldorado semegliant al pei dil Cuolm d'Ursera.

Gion Paul: Gliez bèn, el Tuatschin o ina biala patria. Ju tratga savens, cu ins taidla mainsvart la prognosa dell'aura giu allas bassas: paupragliut, tg'èn zugliai 'gl entir dé ora ain zugls da nibla muscha. Nus auters vegnessen matutins, nus tg' vain 'l sulegl tg' mira da fanestra ain navenda la damaun tocca la sèra.

Jester: Neve, vus fageis buca curvien che nus auters della bassa vegnin inaga pli bugen che l'otra siaden en vos cuolms per fugir dal humid e guder il sulegl. - Veis schiglioc tscheccamein jasters cheu en vies Tujetsch. Franc tut che sescarpa per ina domena els hotels u privat?

Gion Paul: Gliut detgavunda, stad ed unviern. Quei da hotels e pensiuns so raschlà danés. Ussa von è biers ain tgèsas privatas. Tschels onns eri da quei tut ensiamen nuét. Oz o Sedrun persul forsa da quei da 40 habitaziuns dad jasters. Avaun in pèr onns on ins è entschiet cun domenas, de colonias per la giuventetgna. I stu esser tg' quei vegn cun reit; ins fo not per las colonias. Sumasumarum so'ins dî tg' l'industria ded jasters porta oz in danèun ain Tujetsch. Ju sun mu in puranchel nausch a capescha da quei lo pauc u nuét, mu sche meis vaschins son fa dus raps cun l'industria dad jasters, sch' sai de cuvî.

Jester: Ils indigens, ils vos lezs anflan tuts paun e ponns cheu, ni buc?

Gion Paul: Tschels onns fuva bunamein navontanuv per tschien puraglia. Tgei vevan nus, in maister, in calgè, in mulinè ed in bien fravi. Quai era ualti tut 'ls mistargnès da Tujetsch. Oz sai in bien taun da plé è co tier nus. Dentaun, malgrad tut quai lo, stu bunamain trais quartas da nossa giuventetgna fa 'l fagot ed î giuviars cul Rain. La gliut giuvna vut oz i naven, vegni empau dian- tar la gliut ed emprender 'ls lungatgs. Els bièrs pun ins dir emprendan oz in mistregn. Sacherlot, quai è bétga nuét. Avaun onns strusch zatgi tg' empredeva zatgéi, u augsegner ne pader. Oz son ncs giuvens dal tut ed ins sedat breigia dad engrcndî lur horizont per tg'ins sappi eleger.

Gion Paul: 'ls Tuatschins mavan magari giul Schubalan e biers ell'America. Oz s'ei quasi negin tg' vo plé liuntsch, essend tg'è ain nossa patria svizra avunda gudogn. Bèn biers tg von als martgaus u loghens plé gronds. Savai grau, biers fon las dètgas carrieras. Tujetsch dentaun so betgin embledà. Da tiams en tiams quasi finadin tg'turna. Ju sa nuét, mu iu manegia tg'els biers laschien encrescher e forsa perfin bragian enqual larma al zuppau. Carteival vutan 'ls biers è turnà in dé, mu i turnan forsa mai.

Jester: Bien um, jeu engrazièl. Vos plaids hai jeu tedlau cun grond profit. Dieus paghi vus persuentèr. Pietigot!

Gion Paul: Sacherlot lain seduvrà, Mena. I fo sèra.

Il sulegl senclina davos il Pez Nurschallas. La punt-nuegl ei vita e las monas rnaussan sin chischner. Sonda sera, sera sontga el vitg. Duess ei uss esser, mo igl ei buc. Damaun ei fiasta dil sogn Rusari, la davosa fiasta de parada. Las femnas lasezzas han il dètg cunfar cun il scuar e schubergiar e cuorer en stizun a far lur commissiuns. Vehichels de tut las visas scadeinan e sgregnan per tut las vias. In menaschi ed in uorden, pir ch'en in marcau. En comparegliazion cun il traffic d'avon onns ei quei malamein midau. Lu auter ch'in pèr bos cun bèna e banal fuva ei strusch de cattar. - La glièud empau sils onns ch'ei eria e sterica ha tut sterment ded ir per las vias. Els vegnan scuai dallas varts e ston esser bileds de buca vegnir suten.

Ei tucca d'Avemaria. (zenn grond e zenn pign sco suitau)

Avon casa sin baun sesan dus vegls, dus aunc de tschels onns. Ils onns han sfraccau els a mun. Bunamein u passa otgonta atuns si dies ha num vus. Lein tedlar tgei els raschunan:

Andriu: Lain stà in amen, mastral. Da quels scu nus entardan pauc e rumpan bétga biè festapló. Ju peringnèda a da schuffa da serabitschè per las vias. Ins è bétga dad oz. El pir sè aun 'l traffic. Da quels scu nus vegnan tut aivers. El plé vess fetsch iu 'ls motors da siè. Smeladettas sgregnas

- Andriu: e tuffians dad eli. Sentelli è 'ls tschips ed autos grons e pins fon vegnì ins tut confus. Ju quéta tg 'la gliut vondien tg'ei piardien 'ls cazès. Ina semaglionta babilonia da fulas.
- Mastral: O gie, ins vegn tut matutins ed unfis immens da quellas preschas continuadas. Per cletg sen ins biéna vegls, schagliuc.....
- Andriu: La febra dallas auas o è mez nies tgèr Tujetsch tut insurin. Nossa gliut fon plans e plans cu gianter fa, empau danès. In seglì e cadenà a raflà biè pir ch'in gnèda.
- Mastral: Secapescha, oz mintga buteller tg' gudogna 20 a 30 francs per dé grad scu da schulà. Sontg'Aptoni, in maranghin ad aun da plé veva tschels onns num vus. Vai vevan nus da nies tiams nuéta schi dreid. Jegher... Jegher sch'ju patratga. Nossas mummies mavan d'in alva tocca l'autra a zarclà ad a spatlà per siatonta raps. E nus auters, ménders tg nus fuvan per in franc a dé a scuder. Epi lura schà o cups sch'ins leva bétga ils flugials giu per la detta.
- Andriu: Iè bétga plé sc'in gnèda. Avaun onns survetgs quitav'iu tg'la gliud fagessen béinugen. Per nuét sai oz nagin tg' fo nuét. Els pins, rutlis e gnaulis tg'vargian bétga sé la crappa grossa spetgan in rap per in survetg, sch'ion è fatg el mu ualusché. Franc, ins stu fà belbel a savai bien grau tg' insumma fetschien. Ju capescha glaiti nuét plé.
- Mastral: Finfatg, els meis mu rian sch'iu reisdà dallas jamnas stuffias tg'nus auters mavan a scuder per ina piaglia da bettleraglia. Trais tocca quater jarmas scu tgavrès. Oz encuntercomi sch'i stun scuder miez in dé sch'sestroclan ei e fon fèrs. Quai tg' partucca el spargnè, jessasamatatra, nus stevan spargnè mintga da tschun, mirà 'l rap

Mastral: sen mintga vart trais quater jèdas avaunca da ora. Oz vegn i bèn da gries, mu vo è da pai a da tgavai. Ju schula s'l gudogn. I fon i tut. La fin dagl onn on i in quex. Luvrau a cadanau in ora ed on strusch da secuvierer. Sacherlot, sas aun Gion Andriu cu nus maven cun purschals sul Cuélm d'Ursera. Cuntas jèdas tg'ins o priu da Milez e Scharinas troppa tozzels purschachels e catschau la biestgamainta tocca vi gl'Uri. E 'l gudogn, in schamper, ina turitgèda da trà od liug l'ossa e la finala strusch vai da cuvierer las spesas. E las beffas e las gomias surain. 'l pir dal tut fuva aun tiams d'unviern purtà quella refla da purschals sél Cuélm d'Ursera. Ina semazzada samaglionta. Dallas jèdas iu a giu malputgau per quella paupra veglia da pors da Tschamut. Jèra ina scu in gianter, schagliuc vess ella nai pudiu fà da quellas barbarias.

X Andriu: Ju sun aun ius dallas jèdas cul tat Placi ~~cul~~ ~~facogn~~ culs stiarls tocca giu Liaun. Miu bab veva in'gnèda giu cumprau in stierl ~~da Canischu-~~ ~~las suè~~, in nair, murfliu, matgiert per nuv marenghins e gudignau sèn quei tamazi tg'iu stu di in entir marenghin. In da quels pegliasis ol raschunau bièjèdas tg'l vevi lu tuttina mai fatg. 'ls raps dals stiarls fuvan 'ls emprems danès tg'vegnevan ain tgèsa. Cun quels utschals dad aur tuccava ei dad i precaut enturn. Las féiras da Liaun mavan tuttavia bétga adina gradora. Cuns martgadons tg'on fatg in'gnèda né l'autra las dètgas tgiladas. 'l davus devien ei giu la refla da stiarls per bunamein nuét. In da meis augs resdava, sau d'ina da quellas féiras sbusaradas, nua tg'in martgadon da vaglia veva tratg mu 5 pel nair, tg'el sez quintava per in dals megliers stiarls.... Dentaun ussa s'ai è vargiau. Ins sevastgeva cul dal siu e magliava dal siu.

Mastral: Tut u bunamain tut dal siu. 100 - 120 stèra graun, in bengel glin, empau trufla a stgavo. Tgarn mazza-va 'l bab ain pulitamain. La mumma fageva cul seigal bien paun - tgèsa e cul dumei bruda e maluns, coccas e bizzochels a dis aparti in stupent buzani mellens scu in aur tg'ins stueva bñunamain schar dar giu la liua. Raubas da consums e stiziuns fagevan bétga stretg ain canossa. Ju sa schizun tg' 'ls vegls, dals plé vegls, resdavan tg'ai vegnevi in soli sac frina-carnun ain in onn ain Tujetsch. Dentaun gliez è lu vegliander. Era cul sevastgi stev'ins sriblà. Da parvai tutt'g' veva ain tgautschas da stuppa, alvas perfin, ils luvardis in carpun empau calurau, tgietschan e verd... e da dumengias magari blau. In vestgiu da ponn era rarezia; sch'nus auters vevan duas tgamischas alvas bialas da mursalina per las dumengias era ins scu ainta parvis. Ed oz.....?

Andriu: Da vegni vietis.... scu sagnaria vo la gliut enturn da luvardis a dumengias. Restis da stad, restis d'unviern ed insumma per mintga occasiun ina entira ruglièda. 'l resti quèsta, giavatschain, tschiens a tschiens mu pels cazés.

Mastral: Nies Tujetsch o tut midau fatscha, la giuventetgna è scu viutura. 'ls vegls en culs giuvans biéna gnurs. Stiarsas, patratga, sund'iu staus ainta Nalps, ainta Nalps cun in auto. Ju a staviu mirà sc'in sноп. Tgei trutga nauscha malmaneivla, cu ins mava al grep da catschina per catschina viva. In trutg da tgauras nausch cun spir platius tg' ins mava quasi a frusta. Ain Burganez vess iu gleiti schau f in gnèda muia a banal dals ruvangiu. Oz sai ina via lada ed asphaltada lu bié meglier tg'la via dal cantun. La bostga sel Cuélm Nalps è tut in tenai tgèsas e clavazuls e biros a sai iu aun tut tgei. Tgei schessen nos vegls,

Mastral: schi vesessen 'l menaschi da Nalps ain. Quels capessen lidinuét a massen vieti ugèn puspè giudain alla tiara. In luvrè lo sél plaz o declarau da mé in tec la situaziun ed era 'l mir tg' siari in dé la stretga dals Tschalès. Quei stu dô miraglia. Sch'quel vess da rumper sch' nus scuan las auas scu feglia da Nislas oragiu. Gliez teni lu endamain. Basta, iu sun vegnius bravamain pensivs a tgèsa. Quei menaschi dad oz porta entirs vons utschals dad aur ain nossa val. Schiè fatg cun quei essan nus rehs oz, fetg rehs, detsch iu.

Andriu: Mastral, plé paupers essan nus cu las auas en vargièdas. Lain mirar! Vasais Bétga cu nossa gliut emprèn da d'ora, da splander. Magliè fo fom. Ju conceda pudà tg'enqualin fo raps e bièrs tier. Bétga l'general.

Mastral: Gion Andriu, té vezzas tut nair. Ins stu prender scu i vegn e nuéta metter pals sutta tschegl. E sch'i fuss aun biè mender, nus stuein crai ain nossa giuventetgna. Avaunca murf sai da mirà tg'tut seigi sél pantun, envidà la flomma da carezia per nossa cultura e nossa tradiziun tua-tschina als cors da nos giuvans e da nossas giuvnas. Salvan ei lu nies relasch, soi nevai marenghins, ainta Nalps ed ain Curnera, so la Vagliauna 'l Maighels dà sch'i fetg scu'i mu vutan, 'ls nos stattan ferm e vegnan mai a cupitgè.

Andriu: Ju vezza, té ais staus mastral e reisdas scu in mastral. Dentaun vai iu 'l sentimain tg' sch' nus dus veglianders stuein aun francà tut quai lo avaunca murf, lu pudain nus selmains aun vivar otgonta permaveras.

Ils dus vegls han bandunau lur post avon casa ed ein i a durmir. Ei fa notg, stgira notg. La steila della sera brischa sul Tgom vi. Per streglias e taviarnas barlaccan ils ménders. Enqualin fan perfin miaumiau davos ils mugrins. En stiva davos ils umbrivals spetga la mattella cun cor palpitont l'arrivada dil bi. El, il car, vegn oz per negla. Ed el duei ver ina biala negla, ina che fetschi in tec parada ellas retschas dils mats. Damaun ei ina dellas pli bialas fiastas de parada digl entir onn. Igl ei la davosa ed il capitani de mats ha de pagar de beiber.

- Tun profund de pauca. -

L'alva ei a strada. In bi di d'atun envida sia cazzola sils sumfils dil Culmatsch e dil Pez Ner. Ils cuolms ein schi damaneivel ch'els paran ded esser mo ual davos ils mugrins dellas casas vischinontas. Segner con bi! Co Niessegner ha sfarlatau bellezza enten crear nossa val. E ual perquei, perquei penda il Tuatschin cun tut ils fils de sia veta vid quei tschespet carezau. - In fem clarblau sesaulza dals tgamins e fa de saver che las masseras seigien allerta. Enqualina ha aunc de mulscher las cauras. Massera, fai dabot, en buca ditg corna il cavrer.....

(Ei corna..... Tutu... scalins e bischlem tut in denter l'auter, forsa cloms da femnas che carsinan e catschan la cauramenta).

La muntanera serimna allas rivas dil Drun. Mo aunc in pèr dis van las cauras, las caras titas sin pastira. Gieiti dat ei lartg. - Denton rasa l'alva siu lenziel dorau per l'entira vallada. Sin piazza de scola serimnan las ludeivlas societads, la musica e la cumpignia de mats. Igl ei in vegl usit ch'ellas omisduas accumpognien ils reveri spirituals, il sur plevon e ses treis caplons, giun baselgia.

Il signur capitani ha d'uriala clamau rimnada: - - -
"Cumpignia, adatg stei, alzei l'arma, anavon marsch...
(la musica entscheiva)(in marsch.....)

In pievelun serimna sin cadruvi. Igl ei ton in bi di che buca mo ils dadens il Dutg grond, ils vischins de Rueras, mobein era ils Tarleps, ils dadens igl uaul, ein buca senuspi de vegnir a far fiasta a Sedrun. Igl ei gie la davosa fiasta.

Pievel: (tut in denter l'auter): ludaus sei Jesus Cristus,
semper sei ludaus (vuschs ded umens e mattatschs
Lain i gudain... ei savess vegni stretg....

Denton tucca ei d'ensemèn... (tuts ils zenns). Mo paucs che admiran mond giu per baselgia il bellezza maletg de sogn Gieri sil clutger roman della baselgia parochiala de Sedrun. Il grond Felici Diog, igl artist dil maletg, ei staus in miez indigen. Sia mamma fuva ina Deflorin de Tschamut. Il maletg ei detg bials e vess basegns d'ina renovaziun. Ferton ch'il

pievel zun cartent ura en baselgia, lein nus dar in sguard en siu sanctuari. Da Sedrun anora ei la Val Tujetsch cartei- vlamein vegnida cristianisada, da siu plevon e das ses gi- donters. Oz ha Tujetsch in plevon e treis caplons, in a Sedrun ed ils auters dus in a Rueras e l'auter a Selva. Buca meins che 10 baselgias e capluttas, per part en nos dis recentamein renovadas, orneschan la val. Ritz, il valli- san, ha fatg ils altars, ils laterals ed il grond el chor. Igl ei in'ovra zun plascheivla. De rara bellezza ei igl altar gotic della sontga fossa, antruras igl altar principal de sogn Vigeli. La baselgia parochiala ha alla fin dil gissia- tavel tschentaner stuiu vegnir disloccada pervia dil Drun. Novissimamein ha Sedrun retschiert ina orgla nova. Lein tedlar.....

Il survetsch divin ei finius. Negliu en Tujetsch vegn ei tschintschau ton dall'aura sso ual dad ir da baselgia si e giu. In um in tec in tec stat in avemareia sin cadruvi. Tgi che seigi leu maina da cattar, stoppi sefugir dals deivets.

Els ein cheu ils umens de Tujetsch en marighels e cudrias onz sisum el cor ils da frastan e temprai, allas costas ils giuvens. Lein tedlar ilsezs igl εμπrem:

Curdin: Tè schani vain nus traplau eirsera. Fas adina la giattamorta ed ais orius e cotgs tiella Castgina. Fo bétga tup e là valai. O l' dau ina biála negla, la mirà.

Sepantoni: Gie, la mu valai, Barclamiu. Tè chezer tg'vutas adina esser meglier tg' nus a fas zuppatgeit. Tè has giu 'l dètg cletg tg'mus essan buns cherlis, schagliuc vessen nus envidau o tè eisera a dau latg-gaglina.

Barclamiu: Sufflai ain pegna, vus vais adina mu da trà sé. Cui è sésun savess i dà in plum.

Sepantoni: Té sgarmau bèn. Scha té vutas vegni in fegher stus té bétga esser tudé tiella Castgina. Té mu marida, tralilà, da té scatschi vonzai... sas... cu té ais tocca culiez cul tgau alla scotga ed has da far cul flad, pauper utschi canari.

Curdin: La fa paiver, 'l so fa sez parsem. Dal raminent, tgéi trafficas, nua ais?

Sepantoni: Gradussa sun iu tiel consorzi giu las Rueras. Ion giu amogna ina piaglia stravaganta a l'lavur a tgèsa fol bab maneivel. Usché vond'iu empau sella fadia. Patratga, 2.80 l'ura. Putgau da stà a tgèsa. Plètost o ins è dus raps ain sac.

Curdin: Sch'l bab è uera. Pudà tg'iu von è aun in pèr dis avaun serrà ain. Nus purs vain bétga da quellas paglias. Pudà tga in dé tillan ins aun 'l fa 'l pur dal tempal ain.

Sepantoni: Gliez crai iu strusch. Iu a memi ugen vaccas a praus.

Ferton ch'ils giuvens e ménders dattan la gnaffa, sediscuorran ils tschentai. Il signur president communal e cau della val ha tudi zatgi striegn che tila pil tschiep.

Vic: Ludaus sai Jesus Cristus

President: Semper sei ludaus. Schéia Vic, cu sai?

Vic: Nus vain giu Surrain quels luvrès tg'fon tut empaglia 'ls praus. Toccuns scu arai. Quai dat permavera in luvrà. Epi, nus vain bétg aua. Dapi tg'ins fura, vegni mintgataun ina blutta stella. Sch' quai o da continuà, vegnin nus pelvair sél schetg. Gl'auter fa foi in rumplanem ai 'la tiara pir tga sch'ins vess schau liber la streia da Caschlè. Tschella notg sund'ju sedestadaus tg' las fanestras stramlavan dal blaugianter.

President: Ju crai tg' quai scadanem a rumplanem disturbi. Nus da Maunsura vain è in traffic ed in urden. Cu i vegnan empau vidain allas cavernas suttarranas sè quai tratg'iu nuéta schi nausch. Pervia da vossa fontauna vi iu resdà in gnèda culs sagnurs da Baden. Vegnis vus ain donn, stat l'ovra no.

Giachen: Sparonza survegnin nus on Cavorgia bétg aun la madema pustetia. Pervia dal sittà ol Vic raschun. Ins vegn tut matutins. Sch'ins vess saviu....

President: O, schi nausch sai franc bètg. Tgèi lain fa, la concessiun è dada a stgavo. Quai lo è tgaussas pintgas. I vegn dabiè raps ain vaschnaunca a zanua tucca ai da schà peglia ain.

Alla cudria entuorn il president communal savischinan in pèr dadens il dutg grond, enzatgeinins da Kueras e perfin in dadens igl uaul, in Tarlép.

Gion Stoffel: sagnur president, so ins dà scula vid unviern alla tgèsa da scula nuva. Iu quèta tga i vondi plaunet vinavaun?

President: Sparonza sels vaschins dadain 'l dutg grond cuntians?

Gion Stoffel: Tartgass tg nus fussen. 'ls dano on bétga serrau fetg quagliéda a fatg da buns vaschins cun nus dadains 'l dutg gron.

President: Schagliuc essas pulit ain pai ainta Kueras?

Gion Stoffel: Engrazia, pulit ed i vargia dabot.

President: A té Banadetg, has pudiu giu da Tschamut. Tgèii fagliais dadains 'gl uaut?

Banedetg: Iè la davusa fiasta. Oz vain nus aun vuliu vagni oragiu. Scha iu stgass exprimer 'l giavisch, mirai tg'ins tegni aviert vi d'unviern 'l stradun tocca Tschamut, casamai essan nus tondanavon privai da tut contact anoviars.

President: Quai è ina tgausa da nies stradin e dagl in-schagner cantonal. In bien plaid sch'i fo basegns viu di.

Banedetg: Esser jarmas ed jarmas suls sulets è nuéta spaz. Pertgiri da Diu, la viadafier è in benefeci. Dallas lavinass essan nus pulit sagirs. Las lavineras da Clavausura schanegian la Selva. Mu i fo da basegns. Vai vain nus glaiti ina Selva vita e sen Tschamut è strusch gliut. Tgèssas e tgèssas vitas u mu in pèr vegliets sagnai dalla mort liain. Gliut giuvna stattan

vesmain dadains 'gl uaut. Da secapir, las mattauns da lo enqueran da tschuora u von naven. Ainta Selva stat mu tgi ch'a stu. Bétga da risò ina femma da tschora ain dadains 'gl uaut. Ju tem, iu tem, Selva stu murí. Quai dat in'alp da schetgs, forsa mu ina da nursas. Nus essan senza scula, damaun senza augsegner.

President: Per l'amur da Diu. Selva stga mai murí, uss tg' nus vain mez taus danès per lavineras, ustonzas e plontaziuns. Donn a putgau per tut.....

Las uras van dabot. A casa han las masseras pinau il gentar e bassegian ch'ils umens vegnien. Sche bien appetit! Igl ei in vegl usit ch'ins targlini aunc in amen sin cadruvi suenter viaspras. La societad da musica vul aunc far si in.

Musica suna in toc, ca. 2½ minuta)

Cheu ein els, ils Tuatschins, giuvens e vegls. In pievel saun, frestg e robust che sa e vul luvrar. Mirei ils vegls, co els van a mun. Els han gia da ver quitau per casadunas, casas plein buobanaglia. E ual da casas de gronda pupira e che han munglau bunamein nutrir cun spida, eis ei dau ordlunder dètg bravas famiglias. Schei, tgei han biars da quels vegls giu dalla veta auter che luvrar sco la biestga? Denton, pli pauc ti pretendas dalla veta, e pli contents che ti eis. È la giuventetgna? In bi raz, schess Pader Placi a Spescha. Vestas cotschnas e bialas ch'ins vess beinduras mustgas de morder lien.

Novissimamein eis ei denton malamein semidau. Tschels onns fuva Tujetsch isolaus e serraus da muntognas. Oz ha il transit siglientau la davosa classena e caussas dallas uisas secatschan e sefuretgan per tut las purtegljas. Ils luvrers digl implont electric han mintgin sia atgna fatscha. Melodias passan e melanconicas rebattan dallas vias. Luvrers si dal miezdi cantinan per gassas e streglias. Sepagliass la mentalitad jastra e la nossa stuess untgir, essan nus in di vonzei pli paupers che vidavon. Aunc buca ton daditg fuva Tujetsch ina vischnaunca spir purs. Oz encunteroomi ha Sedrun gnanc 40 per tschien che fan il pur. Pli purils ein ils vitgs Camischolas e Rueras.

Ferton ch'il pievel sentarda sin cadruvi, visetan duas vegliettas il santeri. Ellas fan buca schi bia feda per il divertiment profan e mundan. Detg han ellas aunc in tschuat paternos per ils cars defuncts. Avon che bandunar las fossas, vulan ellas aunc sentardar in avemareia sils loghens dils reveri spirituals. Tujetsch ha ora ed ora giu bia spirituals,

biars e buns e che han fatg gronda honor alla val. Alla
Filomena rocla ina larma dalla vesta. Siu buob ei buca ve-
gnius augsegner, schebi ch'el fuva sil precint. Sin quei
da quest mund dat ella muot pli. Siu tgierp fa tiara. Da-
lunsch auda ella ils accords dolents dils dis dellas olmas.

(Cheu rebatta la canzun dil di dellas olmas)

* * * * *